

Nakon provedenog postupka direktnog sporazuma na način i po postupku predviđenom članom 90. Zakona o javnim nabavkama BiH ("Službeni glasnik BiH" 39/14) zaključuje se

U G O V O R
o sakupljanju, manipulaciji, privremenom skladištenju i zbrinjavanju
medicinskog otpada

između:

1. JAVNE USTANOVE "APOTEKE SARAJEVO", Sarajevo, Aleja Bosne Srebrene bb/IX, koju zastupa generalni direktor Prim. mr. ph. Sait Muradić, (u daljem tekstu Naručilac)

i

2. RECIKLON d.o.o., Sarajevo, Brčanska 15, ID: 4209895560007, kojeg zastupa direktor Belma Krupalija - Pašić, (u daljem tekstu : Izvođač)

I PREDMET

Član 1.

Predmet ovog ugovora je sakupljanje, manipulacija, privremeno skladištenje i zbrinjavanje opasnog medicinskog otpada (farmaceutki otpad i hemikalije) na ekološki prihvatljiv način, u skladu sa pozitivnim zakonskim propisima i Bazelskom konvencijom, te u skladu sa Pravilnikom o uvjetima za prenos obaveza upravljanja otpadom sa proizvođača (naručioca) na operatora (izvođača) sistema za prikupljanje i zbrinjavanje opasnog otpada.

Sastavni dio ovog ugovora je Ponuda Izvođača broj:066/18, od 14.05.2018. godine.

Član 2.

Izvođač će, za potrebe izvođenja preuzetih obaveza po ovom ugovoru, saradivati sa nadležnim službama i odgovornim osobama naručioca, te ovlaštenim državnim institucijama. Prema potrebi i posebnom dogovoru, može pripremit studije, elaborate, tehnološke i radne postupke, upute i slično, da bi tako osigurao kvalitetno izvođenje povjerenih poslova.

II CIJENA I ROK PLAĆANJA

Član 3.

Cijena za usluge iz Ugovora iznosi do 6.000,00 KM bez PDV-a, a pojedinačne cijene date su u tabeli ispod:

Br. Stavke/N o. Item	Opis materija /Material description	Jedinica mjere	Cijena po jedinici mjere bez PDV-a
1.	18 01 08* citostatici i citotoksici	kg	5,00 KM/kg
2.	18 01 09* lijekovi koji nisu navedeni pod 18 01 08	kg	2,70 KM/kg
3.	18 01 06* hemikalije koje se sastoje od ili sadrže opasne materije	kg	3,80 KM/kg

4.	18 01 07 hemikalije koje nisu navedene pod 18 01 06	kg	3,80 KM/kg
5.	18 01 03* ostali otpad čije skupljanje i odlaganje podvrgnuto specijalnim zahtjevima radi prevencije infekcije (podrazumijevajući potencijalno infektivni otpad – lancete, trakice, tupferi isl.)	kg	7,50 KM/kg
6.	16 05 06* laboratorijske hemikalije koje se sastoje od opasnih tvari ili ih sadrže, uključujući i mješavine laboratorijskih hemikalija	kg	3,80 KM/kg
7.	Transport	kom	0,00 KM

Član 4.

Rok plaćanja je 30 (trideset) dana od dana dostavljanja fakture na račun izvršioca naznačen na fakturi.

III DINAMIKA I NAČIN IZVRŠENJA

Član 5.

Neposrednu operativnu dinamiku preuzimanja opasnog otpada će usuglasiti stručni suradnici naručioca i izvođača.

Izvođač će, u skladu sa važećim propisima, sakupljati, manipulirati, privremeno skladištiti i zbrinjavati medicinski otpada koji je predmet ovog ugovora, na ekološki prihvatljiv način, a za izvršene usluge naručiocu izdati propisani dokument o konačnom zbrinjavanju preuzetog otpada.

Član 6.

Prema potrebama i zahtjevima tehnologije zbrinjavanja opasnog otpada izvođač može, u dogovoru sa naručiocem, osigurati i adekvatne posude i drugo potrebno u fazi skupljanja opasnog otpada u krugu naručioca, što će omogućiti siguran i kvalitetan rad i/ili omogućiti bržu manipulaciju.

Član 7.

Naručioc određuje da je odgovorno lice nadležno za svu komunikaciju sa izvođačem doc. dr. sci. Azra Bajraktarević, kontakt telefon: 033-207-966

Sa strane izvođača je odgovorno lice neposredno direktor društva.

VIII TRAJANJE UGOVORA

Član 8.

Ovaj ugovor se zaključuje na period od 01.06.2018. i biće na snazi sve do i uključujući 31.05.2019. godine.

IX PRELAZNE I ZAVRŠNE ODREDBE

Član 9.

Ukoliko u toku trajanja ovog ugovora dođe do bilo kakvih promjena u nazivu ili drugim statusnim promjenama ugovornih strana, tada će sva prava i obaveze ugovorne strane kod koje dođe do takve promjene, preći na njegovog sljedbenika.

Član 10.

Za sve što nije predviđeno ovim ugovorom primjenjuju se odredbe Zakona o obligacionim odnosima i drugih pozitivnih propisa.

Sve eventualne sporove nastale iz suradnje po ovom Ugovoru, ugovorene strane će pokušati riješiti sporazumno. U slučaju da to nije moguće, za rješenje spora nadležan je sud u Sarajevu.

Član 11.

Ugovorne strane su saglasne da do raskida ovog ugovora može doći na pismeni zahtjev jedne od ugovornih strana, sa otkaznim rokom od 30 dana.

Član 12.

Ugovor je sačinjen u 4 (četiri) istovjetna primjerka, za svaku ugovornu stranu po 2 (dva).

JU „APOTEKE SARAJEVO“

Prim. mr. ph. Sait Muadić
Generalni direktor



Broj: 01-03-913/18

RECIKLON d.o.o.

Belma Krupalija - Pašić
Direktor



Broj: 031/18

Sarajevo, 29.05.2018. godine

